



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendium Totius Tractatus De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

19. Compensatio.

urn:nbn:de:hbz:466:1-41559

tia peragenda in diuersis locis tendit, *l. 9. disp. 4. nu. 12. 13. & 14.*

4 Coniux non tenetur habitare cum coniuge furioso, vel sapè ebrio cum periculo vitæ, vel quocumque alio, grauissimo, arbitrio prudentis. Secus, quando non existit tale periculum, & solum est molesta cohabitatio, & rixa, *lib. 10. disp. 18. nu. 18.*

5 Celebrato diuortio, autoritate iudicis Ecclesiastici, ratione sæuitiæ, aut furoris alterius coniugis, licet alteri, aut vtrique ad religionem, vel ordines sacros transire, quando sanus: cum illo non potest habitare absq; vitæ periculo, & nulla est spes redeundi ad pristinam mentem, vel saltem ad furorem sedandū, vt possit esse tura cum illo habitatio. Secus, quando non desperatur reditus ad pristinum statum, & non diffiditur de remedio, *l. 10. disp. 18. nu. 48.*

6 Vxor non tenetur cohabitare cum viro habenti concubinam, etiam extra propriam domum, sine sufficienti cautione de expellēda ea, & amplius non admittenda, pœna appositā, si deficiat à fide præstita, *lib. 10. disp. 18. n. 20.*

Comœdia.

1 Facere, componere, repræsentare, & audire comœdias valdè turpes, ac ad venerem excitantes, peccatum est mortale. Secus quando non sunt tales, *lib. 9. disp. 46. nu. 42.*

Compensatio.

1 Mutua coniugum adulteria compensatur quo-

quoad pœnas civiles, v.g. amissionis dotis, & aliorum huiusmodi. Secus dicendum, quoad pœnam, & accusationem criminalem: nec talis exceptio admittitur. Imò vir adulter potest in conscientia criminaliter accusare vxorem adulterantem, & aduersus eam licitè pœnam illam, sententiâ iudicis præcedenti, exequi, *lib. 10. disp. 8. à nu. 29. vsque ad 45.*

2 Quando post latam sententiam diuortij, innocens labitur in adulterium, non tenetur redire ad coniugem dimissum, non datur enim in hoc casu compensatio. Debet tamen iudex ex officio hos coniuges reconciliare, licet alter coniux minimè petat, quando manifestum esset periculum coniugum, & aliorum scandalum viuendo perditissime: *lib. 10. disp. 9. nu. 30. & 31.*

3 Vir fornicans post diuortij sententiam, quæ transijt in rem iudicatam, non tenetur in foro conscientiarum, admittere vxorem ob adulterium à se derelictam, donec per Ecclesiam compellatur, *lib. 10. disp. 9. nu. 32.* Nec tenetur crimen fateri coram iudice interrogante, nisi iudicijs, aut semple nâ probatione præcedenti, aut iusam à. Nec tenetur in conscientia redire ad consortium conjugale, etsi iuridicè interrogatus neget, vel falsis testibus se defendat, *ibid. nu. 33.* Et innocens factus professus, vel in sacris constitutus fornicans, minimè potest extrahi à monasterio ob fornicationem. Idem de clerico fornicante post ordines assump-

ptos

ptos dimitte[n]te vxorem ob fornicationē no-
toriam. Secus dicendum, si sententia non præ-
cedat, & dum fornicator est nouitius, vel cum
solis Ordinibus minoribus, vel cum solo vo-
to castitatis. Attamen non tenebitur redire, si
fornicatio acciderit post sententiam, & ante
mutationem status: & non est restituendus v-
xori. Innocens tamen postea adulterans po-
test repetere prius adulterantem, vt sibi re-
concilietur, *ib. nu. 34. 35. & 36.*

4 Compensatio non datur inter adulteriū
carnale vnius coniugis, & spirituale alterius,
quoad diuortium, nec inter spirituale vtrius-
que coniugis, *l. 10. disp. 16. nu. 3. & 4.*

Concilium.

1 Concilium negans in aliquo casu dispen-
sationem, si Pontifex dispenset absque causa
nova vrgentissima, peccat mortaliter, sed te-
net dispensatio, *lib. 3. disp. 45. nu. 3.*

2 Concilio potest derogari sine specifica
mentionē, quando in casu speciali contra
Concilij decretum dispensatur, *lib. 8. disp. 35.
nu. 17.*

Conditio.

1 Conditio dotis soluendæ non censetur
remissa per copulam habitam post sponsalia,
quoad solutionem dotis. Secus, quoad expe-
ctationem euentus conditionis ad purifi can-
dum matrimonium, *lib. 1. disp. 26. num. 13.*

2 Conditio obligans ad nuptias, & eas pro-
hibens, & aliæ, quas iure reijcit, reijciuntur
etiam